

Joya di edificio na caminda:

Comerciante local lo cumpra y inverti 1.4 miyon den Emanstraat 100 y 102

ORANJESTAD(AAN): Asinacue edificio Emanstraat 100 y 102 riba ordo di DOW a worde basha abou diadomingo mainta, a tuma nota tambe di e intencion di e futuro di e tereno aki.

Ta conoci cu tin problema pa bende e edificio pa un simpel firma di un familiar cu ta haciendo hopi fastioso. DOW a escohe pa tur seguridad pa basha e lugar abou y cobra famia. E resto di famia a bay di acuerdo caba pa benta di e propiedad of tereno so pasobra edificio


mes no ta sirbi.

Ta e tereno di 400 meter ta worde cumpra y na un prijs di alrededor di 1000 Florin pa meter cuadra. Esnan di Vecchia Estate ta esnan cu lo cumpra e tereno na balor di 425.000 Florin. E famia mes tabata pidi 575.000 Florin pa e cas cu e tereno. Loke awe e futuro cumprado lo paga di 425.000 ta mucho mas cu e taxatie raport mes.

Aunke e tereno ta chikito e inversionista cu ta kedando cla cu e compra ya caba a pidi gobierno extra tereno

patras y esaki nan lo haya tambe. E edificio nobo lo bay tin un inversion di 1.4 miyon Florin. E lo ta di dos piso traha full di marmar. Ta un edificio cu na Aruba ainda nos no conoce pero cu un estilo hopi dirigi riba cortenan internacional den paisnan cu apariencia estilo Griego y Romano.

E ta net schuin tegenover di corte di husticia di Aruba y como 50 meter di distancia. Lo bira un edificio cu por acomoda oficinanan di abogado sin ningun problema



tanto na e piso ariba como esun abou. E famia cu kier bende gran parti a mira e plan di e comprador caba. Na notario mes tin un acuerdo firma caba y falta solamente e firma final pa compra.

E familiar cu ta causando problema mester dagvaar esaki y e lo cana sin problema pasobra e resto di famia a firma pa bende. E finalizacion ta loke e inversionista local

ta wardando riba dje. Asina cu e proceso aki keda cla e peticion pa bouwvergunning lo worde entrega y dje y trabaonan di construccion lo sigui mesora. Loke cu por menciona ta cu e compra a bay netamente na un timing corecto pasobra e cambionan tumando lugar den e area di Oranjestad cu su renovacion ta hopi grandi.